

1.4.24

Idem A. Demostheni pp.

Nemini licere volumus,
sive ab ingenuis genitoribus puer parvulus
procreatus sive a libertina progenie sive servili condicione
maculatus expositus sit, eum puerum in
suum dominium vindicare sive nomine domini sive
adscriptionis sive colonariae condicionis: sed neque
his, qui eos nutriendos sustulerunt, licentiam concedi
penitus (cum quadam distinctione) eos tollere:
sed nullo discrimine habito ii, qui ab huiusmodi hominibus
educati vel nutriti vel aucti sunt, liberi et
ingenui appareant et sibi adquirant et in posteritatem
suam vel extraneos heredes omnia quae habuerint,
quo modo voluerint, transmittant. haec observantibus
non solum praesidibus provinciarum, sed
etiam viris religiosissimis episcopis.

D. XV k. Oct. Chalcedone Decio vc. cons.

[a. 529]

1.4.

25 Ὁ αὐτὸς βασιλεὺς Δημοσθένει ἐπάρχῳ πραι-
τωρίῳ. Ὅσα περὶ τῶν καλουμένων κύβων ἤτοι
κόττων καὶ τῆς τούτων κωλύσεως ἡμῖν νενομοθέτη-
ται, ταῦτα ἄδειαν δίδομεν καὶ τοῖς θεοφιλεστάτοις
ἐπισκόποις καὶ ἀρευνῶν καὶ γινόμενα πάνειν καὶ
τοὺς ἀκοσμοῦντας διὰ τῶν λαμπροτάτων ἀρχόντων
τῶν ἐπαρχιῶν καὶ τῶν πατέρων καὶ τῶν ἐκδικῶν
τῶν πόλεων ἐπὶ σωφροσύνην ἐπανάγειν. *D. x k. Oct.
Constantinopoli Decio cons.* [a. 529]

id est:

Idem A. Demostheni pp.

Etiam religiosissimis episcopis licentiam damus in ea, quae de
tesseris quae vocantur vel cottis et de eorum prohibitione constituimus,
inquirendi et si fiant reprimendi ac delinquentes per clarissimos
provinciarum praesides et patres defensoresque civitatum
ad sanitatem compellendi.